



Republika e Kosovë
Komuna e Drenasit
Kuvendi i Komunës



12 Nr. 060/04-15893 dt. 14/04/2021

PROCESVERBALI

I mbledhjes së Komitetit për Politikë dhe Financa të mbajtur më dt. 19.03.2021, ora 10:00.
Mbledhjen e kryesoi Labinot Halilaj-Kryesues.

Kryesuesi deklaroi të hapura punimet e mbledhjes të Komitetit për politikë dhe financa ku të pranishëm ishin anëtarët e Komitetit për Politikë dhe Financa: Kryesuesi i Kuvendit Labinot Halilaj, Gani Podrimqaku, Florentina Elezi, Fitore Morina, Edolina Plakiqi, Burim Bujupi. Prezent gjatë mbledhjes së Komitetit për Politikë dhe Financa ishin: Kryetari i Komunës Ramiz Lladrovci,, Drejtori për Buxhet dhe financa Shyqyri Bublaku, Drejtori I Drejtoris për Shëndetësi dhe Mirëqenie Sociale Arsim Haxhiu .

Komiteti filloi punimet më këtë:

Rend dite:

1. Procesverbali i mbledhjes së Komitetit për Politikë dhe Financa të dt. 19.02.2021.
2. Propozim Statuti i Qendrës së Mjekësisë Familjare „Dr. Hafir Shala” Drenas (Glllogoc)
3. Draft-Raport i tretë periodik për zbatimin e Rekomandimeve të dhëna në Raportin e Auditimit nga Zyra Kombëtare e Auditimit.
4. Propozim Vendim për caktimin e lokacionit për ndërtimin e katër fushave sportive në zonat kadastrave Korroticë e Poshtme, Terstenik, Dobroshec dhe Llapushnik.
5. Të ndryshme.

Kryesuesi i Kuvendit, Labinot Halilaj: hapi mbledhjen e KPF-ca, pasi përshëndeti të pranishmit, prezantoi rendin e ditës, fjalën ja jep kryetarit **Ramiz Lladrovci**.

Fjalën e merr Kryetarit të Komunës Ramiz Lladrovci - Kisha kërkuar heqjen e pikës së katërt për shkak se parcelat të cilat na nevojiten për ndërtimin e katër fushave sportive , na duhet edhe pak kohë për arsye se i kemi shkruar agjencionit të pyjeve më na e lejua hapësirat ose pronat që janë në emër të tyre. Komuna për fat të keq ka prona që ne i konsiderojmë që janë të komunës por në data bazë të tyre ose në sistem të tyre figurojnë si prona të Agjencisë së Pyjeve. Kisha thënë që me tërheqë që mos me hyrë dy fusha me i gjete sot e dy në mbledhjen tjetër me e shty mbledhjen tjetër deri ta marrim përgjigjen se brenda 30 ditëve janë të obliguar agjencioni me na e kthye

përgjigje dhe besoj që në mbledhjen tjetër të kemi përgjigjen që ne të mos ndërtojmë sikur kanë ndërtuar përpara.

Burim Bujupi – Para se me tërheqë kisha deshtë me e pyet kryetarin. A ju keni drejtuar më shkresë zyrtare Agjencionit të Pyjeve.

Fjalën e merr Kryetari të Komunës Ramiz Lladrovci- Ne ju kemi drejtuar njëherë kadastrin disa herë. Ne ju kemi drejtuar për parcela specifike që janë në emër të agjencionit , ju kemi drejtuar atyre pasi i kemi shterur të gjitha opsionet.

Kryesuesi i Kuvendit Komunal Labinot Halilaj-hedhi ne votim rendin e ditës me pikën e tërhequr me kërkesën e kryetarit ,rendni i ditës kalojë në mënyrë unanime.

Kryesuesi i Kuvendit Komunal Labinot Halilaj -hapi diskutimin për pikën e parë të rendit të ditës: 1. Procesverbali i mbledhjes së rregullt të KPF-ca dt. 22 .01.2021.

Diskutime nuk pati ,edhe kjo pike u votua në mënyrë unanime.

Kryesuesi i Kuvendit Komunal Labinot Halilaj -kalojmë të pika e dytë: Propozim Statuti i Qendrës së Mjekësisë Familjare „Dr. Hafir Shala” Drenas (Glllogoc).

Fjalën e merr Drejtori i Drejtorisë për Shëndetësi dhe Mirëqenie Sociale Arsim Haxhiu – Siç jeni në dijeni nga viti i kaluar ne patëm aprovuar atë statutin më herët. Kemi pasur në ndërkohë një kthim mbrapa të ministrisë për shkak që kanë qenë të propozuara disa variante të mundshme siç ka qene rasti i prezencës së radiologëve aty ku i kanë QKMF-të , ju kujtohet kur e kemi kthyer edhe një herë në kuvend , ka qenë pandemia vitin e kaluar. Megjithatë pas daljes së udhëzimit administrativ 04/2020 d.m.th. janë aprovuar këto vërejte të gjitha dhe kemi parë të arsyeshme që të dilet më formën unike të statudit, në bazë të udhëzimit 04/2020 , ku janë përcaktuar veprimtaritë edhe shërbimet e kujdesit parësorë shëndetësorë si dhe struktura organizative dhe kemi parë të arsyeshme të nxirret forma unike e Statutit të Qendrës Kryesore të Mjekësisë Familjare „Dr. Hafir Shala” në Drenas. Dy, tri ndryshime janë bërë, një është aprovimi se kujdesi parësorë shëndetësorë në komuna ku ka mbi njëqind (100) të punësuar duhet të këtë edhe zëvendës drejtorin , e dyta është që pjesa e radiologjisë ku ka radiolog QKMF-të të jenë pjesë përbërëse faktikisht deri në pension , për shkak se kujdesi parësorë lëmit tjera siç e dini përveç mjekësisë familjare nuk i ka në kuadër të veprimtarisë së vet dhe ndryshimi tjetër është që qendrat e mjekësisë familjare të cilat kanë qenë e të cilat nuk i kanë dhjetë mijë banorë (10 mijë) shndërrohen në tipin e ambulancave familjare. Këto janë tri ndryshimet kryesore të cilat udhëzimi administrativ 04/2020 i parasheh dhe në bazë të cilave kemi plotësuar dhe kemi bërë statutin e ri. Është në harmoni me udhëzimin 04/2020. D.m.th. ky është udhëzimi administrativ që është nënshkruar diku nëse nuk gaboj më 20 nëntor 2020 ndërsa më 27 nëntor 2020 ka hyrë në fuqi , d.m.th në vitin që e lamë pas. Mirëpo për shkak të veprimtarisë specifike na duhet që ta qesim në kuvend ta aprovojmë dhe natyrisht Ministria e Shëndetësisë na jep formën. Është nënshkruar më 20 nëntor 2020 ndërsa më 27 nëntor 2020 ka hyrë në fuqi. Është forme unike për të gjithë Kosovën

Burim Bujupi – Në bazë të udhëzimit administrativ duhet me e pas edhe një zëvendës drejtor qe nuk e kemi pasur deri më tani edhe këto qendrat e frekuentuara që janë , qendrat familjare , a vlejnë për krejt që e frekuentojnë p.sh po supozojë në Arllat për numrin e banorëve mes Llapushnikut , Arllatit, Negrocit Lagjës së Bytyqve komplet.

Fjalën e merr Drejtori i Drejtorisë për Shëndetësi dhe Mirëqenie Sociale Arsim Haxhiu- Shiko ne pak prej aspektit praktik dhe udhëzimit administrativ edhe statudit kemi vetëm dy qendra të mjekësisë familjare Drenasi dhe Komorani , ndahen në dy qendra të mjekësisë familjare ndërsa gjitha ambulancat tjera ku gravitojnë aty , natyrisht raporti është një mjek më dy mijë banorë (2 mijë) gjithmonë. Ka ambulantë qe mundet me i ra edhe dy

mjek edhe tre mjek varësisht prej numrit të banorëve , por ato qendra kur nuk i kanë dhjetë mijë banor (10 mijë) do të thotë që nuk mund të jenë më qendra të mjekësisë familjare për shkak të strukturës, angazhimit të madh dhe pamundësisë. E kemi edhe regjistrimin e popullatës që është bërë në vitin **2011**, çdo fshat ka sa banorë i ka. Ato qe gravitojnë me një qendër deri në dhjetë mijë banorë (**10 mijë**).

Kryesuesi i Kuvendit Komunal Labinot Halilaj hodhi në votim pikën e dytë. Propozim Statuti i Qendrës së Mjekësisë Familjare „Dr. Hafir Shala” Drenas (Gllogoc), dhe kjo pike u votua në mënyrë unanime.

Kryesuesi i Kuvendit Komunal Labinot Halilaj -hapi diskutimin për pikën e tretë: Draft-Raport i tretë periodik për zbatimin e Rekomandimeve të dhëna në Raportin e Auditimit nga Zyra Kombëtare e Auditimit.

Fjalën e merr **Drejtori i Drejtorisë për Buxhet dhe financa Shyqyri Bubaku** – Ky është raporti i tretë që e kanë bërë komisioni për implementimin e rekomandimeve të Zyrës Kombëtare të Auditimit. I kemi pasur gjithsejtë katërmëdhjetë (**14**) rekomandime , ku në rekomandimin e parë kemi pasur kryesisht më vendime gjyqësore për paga përcjellëse dhe paga jubilarë i cili rekomandim nuk është në domenin e mundësive të kuvendeve komunale që ti realizojnë këto sepse këto behën ekzekutime nga thesari , ndërsa kemi pasur edhe një rekomandim këtu lidhur me shpenzimet e varrimit të cilit ne i kemi pasur në kategorinë e shpenzimeve mallra dhe shërbimeve. Në planin kontabël të Republikës së Kosovës këto shpenzime parashihen , e kanë kodin e veçantë mallra-shërbime , mirëpo Zyra Kombëtare e Auditimit ka kërkuar që në këto shpenzime ti fusim në subvencione dhe i kemi futur , janë futur për vitin 2021 dhe ky rekomandim është plotësisht i implementuar . Nga rekrutimi i stafit mundem të them se edhe ky është i plotësuar d.m.th nuk ekziston më si rekomandim. Rekomandimi i tretë ka të bëjë me çerdhet, gjegjësisht kërkesat për blerje të cilët janë shkuar më tre tenderë për shkak të mundësisë së buxhetit , vonimi i buxhetit viteve **2020** , aprovimi i tij ka ndikuar që të shkojmë më tre tenderë për furnizim me ushqim për fëmijët në çerdhet komunale . Rekomandimi i katërt, hartimi i projekteve ekzekutive ,është zbatuar pjesërisht , sepse ky rekomandim ka implikime bukur të mëdha se secili projekt duhet bërë projekti detal dhe me stafin që e kemi ne dhe mundësitë teknike është e pamundur që ne të mbërrijmë që ti hartojmë të gjitha por kuvendi komunal në vitin **2021** ka angazhuar firma për hartimin e projekteve dhe ky pjesërisht është i zbatueshëm. Një rekomandim na u ka dhënë për rrugën Vuçak- Terdevc , mirëpo ky nuk është plotësisht i zbatuar sepse ne nuk kemi pasur me implementua projektin ka pasur Ministria e Infrastrukturës i cili në vitin e kaluar nuk është zbatuar si projekt , nuk është zhvilluar ,mirëpo ana teknike e tij që varet prej kuvendit komunal është zbatuar plotësisht. Ndërtimi i kolektorëve thotë kemi bërë furnizime dhe nuk janë kryer të gjitha punët mirëpo ky është kryer , rekomandim i zbatuar. Te rekomandimi numër shtatë e kemi ndriçimin publik edhe ky është rekomandim i zbatuar. Vonesa në furnizime, kjo po varet zakonisht tek kontratat të cilat i nënshkruan niveli qendror dhe ne po kemi pengesa , por nuk është që ne po vonohemi si kuvend komunal , mirëpo po vonojnë operatorët ekonomik të cilët e kanë kontratën e nënshkruar më nivelin qendror dhe ndikimi i jonë tek ta është mjaft i vogël dhe kjo është pjesërisht i zbatuar. Shpenzimet e gjyqësisë, d.m.th këto janë pjesërisht të zbatuara sepse mund të ndodh prapë se nuk varen prej neve kryesisht janë vendime që merren nga ana e gjykatave. Kemi ndryshime në pozicionin e kontratave është i zbatuar se kemi raste kur hartimi i projektit e ka paraparë që një pozicion të këtë që kaq shumë p.sh shumë një mijë euro (1 mijë), ndërsa kur dalin në terren dhe implementimi i projektit kërkon që të behët një mijë e dyqind euro (1200) , kjo behët zakonisht , por është i zbatuar d.m.th kërkohet leja e kryetarit të komunës i cili lejon më u bërë ato ndryshime por shuma totale projektit nuk duhet të tejkalohet. Regjistrimi i pasurive; edhe ky si rekomandim është

pjesërisht i zbatuar edhe kisha pasur dëshirë që ne të mundemi të mbërrijmë ti regjistrojmë të gjitha pasuritë , është problem furnizimi nga operatorët ekonomik , sidomos pajisjet po kemi vonesa në pajisje. Ne kemi pasur rastin p.sh kur viti fiskal të ne mbyllet në drejtorinë e financave me 24 dhjetor në ora 12:00. Pajisjet na vijnë më 27, 28, 29 dhjetor edhe është e pamundur më i bërë pagesat e tyre. Ky pjesërisht është i zbatuar mirëpo në tërësi është problem me u zbatuar po flasim në parametrat real. Edhe kemi mbivlerësimin e detyrimeve kapiti gjente. Ne kemi zyrën ligjore në Ministrinë e Financave e cila merret më lëndët e Komunës së Drenasit po ashtu edhe të gjitha komunave dhe të komunës tonë dhe ata e kanë dhënë një obligim të Komunës dy herë se ka bërë ankesë qytetari dhe është regjistruar dy herë dhe ata na e kanë futur si mbivlerësim i detyrave ka qenë vlera diku pesë mijë e gjashtëqind euro (5600) jo vlerë më e madhe mirëpo si rekomandim gjoja se është e gjetur e tyre mirëpo edhe kjo është e zbatuar nuk kemi më raste të tilla. Mos kompletimi i njësive të brendshme të auditimit edhe ky është pjesërisht sepse ne numrin e banorëve e kemi pesëdhjetë e tetë mijë (58 mijë) , numrin e punëtorëve të tri sektorëve e kemi një mijë e treqind e njëzete e pesë **(1325)** ky është pjesërisht i zbatuar dhe i kemi dy auditorë të brendshëm. Kjo kishte më qenë në pika të shkurtra sa i përket Draft Raportit për zbatimin e Rekomandimeve të dhëna në Raportin e Auditimit nga Zyra Kombëtare e Auditimit.

Burim Bujupi – Vetëm desha të lidhem te shpenzimet e varrimit ne siç e di në vitin 2018 ka qenë si rekomandim e kemi pasur bile me u kthyer në mallra shërbime pse tani paska ndryshuar, tani prej cilës kategori merren subvencionet .

Drejtori i Drejtorisë për Buxhet dhe financa Shyqyri Bublaku-subvencionet janë kategori e veçante e buxhetit për nga natyra e shërbimeve është mallra dhe shërbime për nga natyra e dhënies është subvencion, se po subvencionohen qytetarët dhe për këtë Arsye e kemi qit në subvencione për vitin 2021 dhe është i zbatuar.

Kryesuesi i Kuvendit Komunal Labinot Halilaj –hedh ne votim pikën e tretë: Draft-Raport i tretë periodik për zbatimin e Rekomandimeve të dhëna në Raportin e Auditimit nga Zyra Kombëtare e Auditimit, edhe kjo pikë rekomandohet për kuvend.

Kryesuesi i Kuvendit Komunal Labinot Halilaj kalojmë të pika 5. Të ndryshme.

Pasi nuk pati diskutime, vërejtje apo sugjerime, kryesuesi i Kuvendit Komunal konsideroi si të mbyllur seancën.

Mbledhja përfundoj rreth orës: 10: 35 min.

Procesmbajtëse:

Fakete Hoti

Fakete Hoti



Kryesuesi i Kuvendit

Labinot Halilaj